

書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷七十
 內容分類 史-政書-歷代通制
 索書號 貴重-17
 編號 B3510400

卷七十



彩色首頁1

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿 丞良醞署主簿 掌醢署 太官署 珍羞署

衛尉卿 丞守宮署主簿 武庫署 武器署 左右都候

宗正卿 丞諸陵署主簿 太廟署 崇玄署

太僕卿 丞典牧署主簿 車府署 乘黃署 諸牧監 典廄署

大理卿 正司直丞評事監 獄丞

諸卿附 少卿

杜氏通典卷第七十

禮三十嘉十五
革三十

讀時令

元正冬至受朝賀

朔望朝參及
常朝日附

策拜皇太子

皇太子
稱臣附

讀時令

後漢
宋

魏
北齊

東晉
大唐

後漢制太史每歲上其年曆先立春立夏大暑立秋
立冬常讀五時令皇帝所服各隨五時之色帝升御
座尚書令以下就席位尚書三公郎中以令置按上
奉以先入就席伏讀訖賜酒一卮○魏明帝景初元
年通事奏曰前後但見讀四時令至於服黃之時獨
闕太史令高堂崇以為黃屬土也土王四季各十八

日土生於火故於火用事之末服黃三季則不其令
則隨四時不以五行爲令也是以服黃無令代則謂
大暑○東晉成帝咸和五年有司奏讀秋令時待中
荀弈上議云武皇帝時光祿大夫華恒議以秋與夏
盛暑常闕不讀令在春冬則不廢也夫先王所以順
時讀令者蓋後天而奉天時正服尊嚴之所重今比
熱炎赫服章多闕請如恒議詔可六年有司奏立夏
日正服漸備祗述天和宜讀夏令奏可○宋文帝元
嘉六年讀時令三公郎中每讀皇帝臨軒百寮備位
多震悚失常儀唯孝武帝時劉勰明帝時謝緯善於
其事人主公卿並屬目稱嘆○北齊制立春日皇帝

服通天冠青介幘青紗袍佩蒼玉青帶青袴青襪烏
而受朝於太極殿西廂東向尚書令等坐定三公郎
中詣席跪讀時令訖典御酌卮酒置郎中前郎中拜
還席伏飲禮成而出至立夏立秋則施御座於中楹
南向立冬如春東向各以其時之色服儀並如春禮
○大唐貞觀十一年修四時讀令武太后聖曆元
年臘月制每月一日於明堂行告朔之禮司禮博士
辟問人譖奏曰按經史正文無天子每月告朔唯禮
記玉藻云天子聽朔於南門之外周禮天官太宰正
月之吉布政于邦國今每歲首元日通天宮受朝讀
時令布政事此則聽朔之禮畢合于周禮玉藻之文

矣而鄭玄注玉藻聽朔以奏制月令有五帝五官之事遂云凡聽朔必特告其時帝及其神配以文王武王此鄭注之誤也故漢魏至今莫之用又按月令其帝太昊其神勾芒者謂宣布時令告示下人其令辭云其帝其神耳所以爲敬授之文欲使人奉其時而務其業每月有令故謂之月令非謂天子月朔日以祖配帝而祭告之其每月告朔者乃諸侯之禮也故春秋左氏傳魯侯既視朔遂登觀臺又鄭注論語云禮人君每月告朔於廟有祭謂之朝享今王者行之非所聞也按鄭玄所謂告其帝者即太昊等五人帝其神者即重黎等五行官雖並功施於人列在祀典無天子每月拜祭告朔之文臣又按禮論及三禮義宗江都集禮貞觀禮顯慶禮及祠令並無天子每月告朔之事若以爲世無明堂故無告朔之禮則江都集禮貞觀禮顯慶禮及祠令著祀五方上帝於明堂即孝經宗祀文王於明堂也此則無明堂而著其享祭何爲告朔獨闕其文若以君有明堂即合告朔則周秦有明堂而經典正文並無天子每月告朔臣傳老載籍既無其禮請停每歲一月告朔之祭以正國經竊以天子之尊而用諸侯之禮非所謂頒告朔令諸侯奉而行之義也鳳閣侍郎王方慶奏議曰天子以孟春正月上辛於南郊總授十二月之政還藏於

祖廟月取一政頒於明堂諸侯孟春之月朝於天子受十二月之政藏於祖廟月取一政而行之故仲尼美而稱之曰明王之以孝理天下者也人君以其禮告廟則謂之告朔聽視此月之政則謂之視朔亦曰聽朔其實一也春秋魯文公六年閏十月不告朔左氏傳云閏月不告朔非禮也夫閏以正時時以作事事以厚生生人之道於是乎在不告閏朔棄政時也則天子閏月亦告朔矣寧有他月廢其禮乎又按周禮太史職云頒告朔於邦國閏月告朔王居門終月王藻云閏月則闔門左扉立於其中是天子閏月而行告朔之事明矣每歲首元日通天宮受朝讀時令

布政事此聽朔之禮畢而合于周禮王藻之文也又按鄭玄云凡聽朔告其帝臣愚以爲其告朔之時五方上帝之一帝也春則靈威仰之例以始祖而配之人帝及神列在祀典亦於其月而享祭之自魯文公始不視朔子貢見其禮廢欲去其羊孔子以羊存猶可識禮羊亡禮遂廢故云爾愛其羊我愛其禮也漢承秦滅學庶事草創所以無告朔之事至平帝元始中王莽輔政庶幾復古後漢董卓西移載籍湮滅告朔之禮於此而墜宋何承天禮論雖加編次於事則關梁崔靈恩三禮義宗但摺摭前儒因循故事隋大業中煬帝令學士撰江都集禮只抄撮禮論更無異

文貞觀顯慶及祠令不言告朔者蓋謂歷代不傳所以其文遂闕今若每月聽政於事亦煩孟月視朔恐不可廢從之開元十六年命太常少卿韋縉每月進月令一篇是後孟月朔日御宣政殿側置一榻東西置按令韋縉坐而讀之諸司長官亦升殿列坐聽焉歲除罷之軋元元年十二月丙寅立春御宣政殿命太常卿于休烈讀春令常參官五品以上正員并升殺與坐餘並具開元禮○議曰讀時令非古制也自東漢始焉其後因而沿襲按太宰職正月之吉懸治象之法千象魏使萬人觀之又春官太史頒告朔於邦國王藻復云聽朔於南門之外並無讀時令故事而辟閭仁諤云元日受朝讀令此則聽朔禮畢合

於玉藻之文王方慶雖有所駁大旨與仁諤不異皆臆說也凡言時者謂四時耳若正月之朔讀令則合云歲令何以謂之時耶其夏秋冬又何為不讀斯則辟閭輩誤矣

元正冬至受朝賀朔望朝參及常朝日附

漢 梁 後漢 魏 晉 東晉 宋 齊 陳 北齊 隋 大唐

漢高帝十月定秦遂為歲首七年長樂宮成制諸侯羣臣朝賀儀先平明謁者治禮引以次入殿門庭中陳車騎步卒衛宮設兵張旗幟傳云趨殿下郎中夾陛數百人功臣列侯諸將軍軍吏以下陳西方東向文官丞相以下陳東方西向大行設九賓臚句傳上

語告下為臚下傳語告上為於是皇帝輦出房百官
句幸昭曰九賓則周禮九儀於是皇帝輦出房百官
執職傳警引諸侯王以下至吏六百石以次奉賀禮
畢復置法酒文穎曰作諸侍坐殿上皆伏抑首也
以尊卑次起上壽觴九行謁者言罷酒御史執法舉
不如儀者輒引去羣臣莫不振恐肅敬高帝初百度
法羣臣飲爭功醉或叫呼拔劍起擊柱帝患之叔孫
通說帝曰夫儒者難與進取可以守成臣願採古禮
與秦儀雜就之帝曰令易知度吾所能行為之於是
通使徵魯諸生三十餘人及帝左右為綿葛參用先
代之儀然往往改異於野外習之月餘帝令試之曰
吾能為此竟朝無敢誼譁失禮者於是高帝曰吾今
日知為皇帝之貴也乃拜通為太常賜金五百斤徐
廣曰葢音子外反以菲剪地為纂立標準為習肄
茅絕音子悅反肄音以致反至武帝雖用夏正然
每月朔朝至於十月朔猶常享會其儀夜漏未盡七

刻鍾鳴受賀及贊公侯壁二千石羔千石六百石鴈

四百石以下百官賀正月決疑要注云古者朝會皆

孤執皮帛卿執羔大夫執鴈士執雉漢魏俱依其制

正朝大會諸侯執玉璧薦以鹿皮公卿以下執如古

禮古者衣皮故用皮帛為二千石以上殿稱萬歲

幣玉以象德璧以稱事乃進璧古語曰御座則起此之

獨斷曰三公奉璧上殿向御座北面太常贊曰皇帝

為與三公伏皇帝座乃進璧古語曰御座則起此之

謂舉觴御食前司空奉羨大司農奉飯奏食舉樂百

官受賜宴饗大作樂白虎通曰有喪不朝古凶不相

后之喪並廢朝○後漢歲首正月為大朝受賀其儀
失容並廢朝
夜漏未盡七刻鍾鳴受朝賀及贊獻帝起居注舊典
年始令百官二千石以上上殿稱萬歲舉觴御食前
執執司空奉羨大司農奉飯奏食舉樂百官受賜宴

享大作樂

蔡質漢儀正月朝天子幸德陽殿臨軒公卿百官各陪位朝賀百蠻朝貢畢屬郡計

吏皆上壽計吏中庭北面太官賜酒食西入東出御

史四人執法陛下虎賁羽林張弓挾矢陸賁將位東

頭啓前向後左右中郎將位東南羽林虎賁將位東

北五官將位中央悉坐就賜作九賓徹樂合利獸從

四方來戲於庭極乃畢入殿前激水化比目魚跳

躍水作霧障日畢化為黃龍長八丈出水遊於

庭炫耀又以絲繩繫兩柱間去數丈兩娼女對舞

行于繩上相逢切肩不傾又躡局出身藏形計中鍾

著娼樂畢作魚龍曼延小黃門吹三通謁者引公卿

以次拜徹行出卑官在前尊官在後其德陽殿周旋

容萬餘人陛高一丈皆文石作壇畫屋朱梁玉陛金

鏤魏文帝受禪後修洛陽宮室權都許昌宮殿狹

小元日於城南立氈殿青帷以為門設樂饗食後還

洛陽依漢舊事其藩王不得朝覲明帝時有朝者由

特恩不得為常。晉武帝咸寧中定儀先正月一日

有司各宿設王公卿校便坐於端門外大樂鼓吹又

宿設四廂樂於殿前夜漏未盡十刻羣臣集庭燎起

上賀謁報又賀皇后從雲龍中華門入謁詣東閣下

便坐漏未盡七刻羣司乘輿車百官及受贊郎下至

計吏皆入詣陛部立其次其階衛者如臨軒儀漏未

盡五刻謁者僕射大鴻臚各奏羣臣就位定漏盡侍

中奏外辦皇帝出鐘鼓作百官皆拜伏太常導皇帝
升御座鐘鼓止百官起大鴻臚跪奏請朝賀掌禮郎
贊皇帝延王登大鴻臚跪贊蕃王臣某等奉白璧各
一再拜賀太常報王悉登謁者引上殿當御座皇帝
與王再拜皇帝坐復再拜跪置壁御座前復再拜成

禮訖謁者引下殿還故位掌禮郎贊皇帝延太尉等
理禮郎引公特進匈奴南單于金紫將軍當大鴻臚
西中二千石千石六百石當大行令西皆北面伏鴻
臚跪贊太尉中二千石等奉璧皮帛羔鴈雉再拜賀
太常贊皇帝延公等登掌禮引公至金紫將軍上殿
當御座皇帝興皆再拜跪皇帝坐又再拜跪置璧皮
帛御座前復再拜成禮訖謁者引下殿還故位王公
置璧成禮時大行令並贊殿下二千石以下同成禮
訖以贊授贊郎即以璧帛付謁者羔鴈雉付太常太樂
令跪奏雅樂以次作乘黃令乃出車皇帝罷入百官
皆坐晝漏上水六刻諸蠻夷朝客以次入皆再拜訖

坐御入後三刻又出鐘鼓作謁者僕射跪奏請羣
臣上謁者引王公二千石上殿千石六百石停本位
謁者引王詣罇酌壽酒跪授侍中侍中跪置御座前
王還自酌置位前謁者跪奏蕃王臣某等奉觴再拜
上千萬歲壽侍中云觴已上百官伏稱萬歲四廂樂
作百官再拜已飲又再拜謁者引王等還本位陛
者傳就席羣臣皆跪諾侍中中書令尚書令各於殿
上上壽酒登歌樂升太官令又行御酒御酒升階太
官令跪授侍郎侍郎跪進御座前乃行百官酒太樂
令跪奏登歌三終乃降太官令跪請具御飯到階羣
臣皆起太官令持羹跪授司徒持飯跪授大司農尚

食持案並授持節持節跪進御座前羣臣就席太樂
令跪奏食舉樂太官行百官飯按遍食畢太樂令跪
奏請進舞樂以次作鼓吹令又前跪奏請以次進妓
乃召諸郡計吏前受勅戒於階下宴樂畢謁者一人
跪奏請罷退鐘鼓作羣臣北面再拜出未盡七刻謂
上三刻更出百官奉壽酒謂之晝會別置女樂三十
人於黃帳外奏房中之歌其王公以下入朝者四方
各為二番三歲而周則更始○東晉江左多虞不
復晨賀夜漏未盡十刻開宣陽門至平明始開殿門
書漏上水五刻皇帝乃出受賀皇太子出會者則在
三恪下王公上正朝元會設白獸罇於殿庭若有能
獻直言者則發此罇飲酒罇曰白獸罇蓋拖以白虎



卒未辨平公飲酒師曠李調侍鼓鐘杜黃自外來開
鐘聲入寢歷階而升酌曰曠飲斯又酌曰調飲斯又
酌也黃曰北面坐飲之降趨而出平公呼進曰爾飲曠
何也黃曰子卯不飲知悼子在堂斯為子卯大矣曠
也師也曠不以認是為一飲之公曰爾飲曠曰曠
也君之曠臣也為一飲之公曰爾飲曠曰曠
日爾飲曠也曠曰曠宰夫也非刀君之疾是以飲之公
防是以飲也曠曰曠宰夫也非刀君之疾是以飲之公
先而揚解公謂侍者曰如我死則無廢斯爵至於今
既畢獻斯揚解謂之杜舉白虎罇蓋杜舉之遺戒
○宋因晉制無所改異唯朝至十刻乃受朝賀升皇
太子在三恪上○齊因之○梁元會之禮未明庭燎
設文物充庭臺門闕禁衛皆嚴有司各從其事太階
東置白獸罇羣臣及諸蕃客並集各從其班而拜侍
中奏中嚴王公卿尹各執珪璧入拜侍中乃奏外辦
皇帝服袞冕乘輿以出侍中扶左常侍扶右黃門侍

郎一人執曲直華蓋從至階降輿納舄升御座前施
奉珪籍王公以下至阼階脫舄劍升殿席南奉贄珪
璧禮畢下殿納舄佩劍詣本位主客郎徙珪璧於東
廂帝興入徙御座於西壁下東向設皇太子王公以
下位又奏中嚴皇帝服通天冠升御座王公上壽禮
畢食食畢樂妓奏太官進御酒主書付黃甘棗二品
以上尚書駟騎引計吏郡國各一人皆跪受詔侍中
讀五條詔計吏更應諾訖令陳便宜者聽詣白獸罽
以次還座宴樂罷皇帝乘輿以入皇太子朝則遠遊
冠乘金輅鹵簿以行與會則劍履升座會訖先興天
監六年詔曰頃代以來元日朝畢次會羣臣則移就

西壁下東向坐求之古義王者黜萬國唯應南面何
更居東面於是御座南向以西方爲上皇太子以下
在北壁坐者悉西邊東向尚書令以下在南方坐者
悉東邊西向舊元日御座東向酒壺在東壁下御座
旣南向乃詔壺於南欄下又詔元日受五等贄珪璧
並量所司付周捨按周禮冢宰大朝覲贊玉幣尚書
古之冢宰頃王者不親撫玉則不復須冢宰贊助尋
尚書主客曹郎旣冢宰隸職今元日五等莫玉旣竟
請以主客郎受鄭玄注覲禮云旣受之後出付玉人
於外漢時少府職掌珪璧請主客受玉付少府掌帝
從之又尚書僕射沈約議正會儀注御出乘輿至太

極殿前納馬升階尋路寢之設本是人君居處不容
自敬宮室按庭氏則以小車升殿請自今元正及大
公事御宜乘小輿至太極階仍乘板輿升殿制可○
陳制先元會十日百官並習儀注令僕以下悉公服
監之設漢燎街闕城上殿前皆嚴兵百官各設部伍
而朝宮人皆於東堂隔綺踈而觀宮門既無籍外人
但絳衣者亦得入觀是日上事人發白獸罇自餘亦
多依梁禮云○北齊元正大饗百官一品以下流外
九品以上與會一品以下正三品以上開國公侯伯
散品公侯及特命之官刺史並升殿從三品以下從
九品以上及奉正使人比流外官者在階下勲品以

下端門外侍中宣詔慰勞郡國吏詔牘長尺三寸廣



寫詔書會日侍中慰勞郡國計吏問刺史太守安否
及敕價麥苗善惡人問疾苦又班五條詔書於州郡
國使人寫以詔牘一板長二尺五寸廣一尺三寸寫
詔書正會宣示使人歸以告刺史一曰政在正身愛
人去殘賊擇良吏正決獄平徭賦二曰人生在勤勤
則置其勸率田桑無或煩擾三曰六極之人務加
寬必使生有以自救本政有以自終四曰長吏浮華
奉以人求小名逐未捨本政之疾宜謹察之五日
宜糾劾侍中黃門宣詔勞諸郡國上詔罷所○隋制
正朝及冬至文物克庭皇帝出西房即御座皇太子
鹵簿至明陽門外入賀後詣皇后御殿拜賀訖還宮
皇太子朝訖羣官客使入就位再拜上公一人詣西
階解劍升賀降階帶劍復位而拜有司奉諸州表羣
官在位者又拜而出皇帝入東房有司奏行事訖乃

出西房坐定羣官入就位上壽訖上下俱拜皇帝舉酒上下舞蹈三稱萬歲太子與會則設坐於御東南西向羣臣上壽畢入位解劍以升會訖先興○大唐開元八年十一月中書門下奏曰伏以冬至一陽始生萬物潛動所以自古聖帝明王皆此日朝萬國觀雲物禮之大者莫逾是時其日亦祀圓丘皆令攝官行事質明既畢日出視朝國家以來更無改易緣修新格將畢其日視圓丘遂改用小冬日受朝若親拜南郊受朝須改既令攝祭理不可移伏請改正從之因勅自今以後冬至日受朝永為恒式至天寶二載十一月五日甲子冬至勅伏以昊天上帝義在尊嚴

恭惟祀典每用冬至既於是日有事圓丘更受朝賀實深兢惕自今以後冬至宜取以次日受朝仍永為恒式又至六載十二月勅承前諸道差使賀正十二月早到或有先見或有不見其所賀正表但送省司又不同進因循日久於禮全乖自今以後應賀正使並取元日隨京官例序立便見通事舍人奏知其表直送四方館元日使下後一時同進永泰二年十一月詔冬至令有司祭南郊復於含元殿受朝賀建中二年十一月勅宜以冬至日受朝賀

臣命婦朝皇后舊儀冬至元日百官不於光順門朝賀皇后至軋元元年張皇后遂行此禮禮儀使工部侍郎于休烈先奏曰據周禮有命夫命婦夫朝人主婦朝女君自來徽五年以則天為皇后始行此禮其

日命婦又朝光順門朝官命婦並入雜處殊為失禮
有語乃停未泰二年勅于宣政殿會百官及命婦太
常博士袁利貞上疏曰伏以恩旨于宣政殿上兼設
命婦坐位奏九部伎及散樂並從宣政門入臣以為
前殿正寢非命婦宴會之處象闕路門非娼優進御
之所今請命婦會于別殿九部伎從東入散樂一色
請停省若於三殿別設自可備其尋常朝參准貞觀
極恩私從之改向麟德殿也
十三年十月尚書左僕射房玄齡奏天下太平萬機
事簡請三日一臨朝詔許之至二十三年九月十一
日太尉無忌等奏請視朝坐日高宗報曰朕初登大
位日夕孜孜猶恐擁滯衆務自今以後每日恒坐末
徽元年十月五日勅京官文武五品依舊五日一參
至二年八月二十九日下詔來月一日太極殿受朝
此後每五日一度太極殿視事朝望朝即為恒式准

元日令中書令讀諸方表神龍元年四月十四日初

令文武官五品以上每朔望參日陞殿食貞元七年

四月初昔者賢聖觀法象因天地交會之序為父子

相見之儀公習成風古今不易王者制事在於因人

酌其情而用中順其俗以為禮威覲之儀既行父子

之間資事之情豈隔君臣之際申恩鄉士自我為初

自今以後每年五月一日御宣政殿與文武百僚相

見京官九品以上外官因朝參在京者並聽就列宜

令所司即量定儀注頒示仍編禮式以著恒規其正

至儀具開元禮武太后聖曆初鳳閣侍郎王方慶奏

仍終喪不得宴會比來百官不尊禮法有哀慘陪朝
會手舞足蹈公違憲章名教既虧實玷皇化伏請禁

斷從

策拜皇太子皇太子稱臣附 後漢 東晉 北齊 大唐

後漢制拜皇太子儀百官會位定謁者引皇太子當御座殿下北面司空當太子西北東面立讀策書畢中常侍持太子璽綬太子再拜三稽首謁者贊曰皇太子臣某甲謁者稱制曰可三公升階上殿賀壽萬歲因大赦天下禮畢。東晉孝武帝泰元十二年臺符問皇太子既拜朝臣奉賀應上禮不國子博士車胤云百辟卿士咸與盛禮展敬拜伏不須復上禮唯方伯牧守不覩大禮自非酒宰責蓋無以裁其乃誠故宜有上禮亦如元正大慶方伯莫不上禮朝臣奉




而已大學博士庾弘之議按武帝咸寧中諸王新拜有司近臣諸王公主上禮今皇太子國之儲副既已崇建普天同慶謂應上禮奉賀按漢魏故事皇太子稱臣新禮以太子既以子為名而又稱臣臣子兼稱於義不通除太子稱臣之制摯虞以為孝經資子事父以事君義兼臣子則不嫌稱臣宜定新禮皇太子稱臣如舊詔從之尚書符又問王公以下見皇太子儀及所制衣服車律議朝臣宜朱衣構幘拜敬太子卷拜披經傳不見其文故太傅羊枯成慶太子稱叩頭此則拜之謚又太寧三年詔議其典尚書下壺謂宜稽則漢魏闕朝。北齊再拜其朱衣冠足唯施天朝宜構幘而已。皇太子皇帝臨軒司徒為使司空副之太子服遠遊冠入至位使者入奉冊讀訖皇太子跪受冊于使者

以授中庶子又受璽綬於尚書以授庶子稽首以出
就冊使者持節至東宮宮臣內外官定列皇太子階
東西面若幼則太師抱之主衣二人奉空頂幘服從
以受冊明日拜章表於東宮殿庭中庶子中舍人乘
輜車奏章詣闕堂謝擇日齋於崇正殿服冕乘安車
謁廟擇日羣臣上禮又擇日會明日三品以上踐賀
○大唐臨軒冊命皇太子具開元禮

杜氏通典卷第七十終





不 許 複 製

NOT TO BE REPRODUCED

東京大学東洋文化研究所